

# مجموعه سنون

اثر

جمعیت علمیہ عثمانیہ

اولیٰ جنبی سندھ

نومرو ۲۷

ربیع الاول

استانبول

جمعیت علمیہ عثمانیہ مطبعہ سندھ طبع اولیٰ صدر

۱۲۸۱

(اوروپا دولت لرینک مقایسهٔ عسکریه سی) (مابعد)

بر دولتک حربا درجهٔ اقتدارینک اکلاشلمسی اول دولتک تجاوزی  
 و تدافعی حال لرنده بشقه بشقه اولان قوهٔ عسکریه سنی بملکه متوققدر  
 دولت لارک حال تجاوزیده اولان قوهٔ عسکریه لری اکثریا وقت  
 حضره مخصوص اولان مقدار دن زیاده اولیوب واقعا اوقات سائره یه  
 نسبتله زیاده عسکر جمع و تحریر ایدرلر ایسده بونلرک فضلہ سی  
 احتیاط مرکز لرنده و قلاع و خسته خانه لرده اقامه اولورلر . فقط  
 حال تحفظیده وقت سفره مخصوص اولان مقدار استخدا م اولنوب  
 بونلر دخی عساکر منتظمه و احتیاطیده ن عبارتدر . المانیاده بونک  
 اوزرینه لاندور تعبیر اولنان عسکرک بر فرقه سی دخی علاوه قنور  
 ملت عسکر ی تعبیر اولنان عسکر دشمن اوزرینه سوق اولنیوب یالکز  
 مواقع عسکریه و سائره نک محافظه سنه تعیین و مواقع مذکوره ده  
 بوننان نظام عسکر ی سائر لازم کلان یرلر سوق اولنور .  
 سالف الذکر احتیاط عسکرینک هر مملکتده اهمیتی اولدیغندن بو  
 یابده بعض ایضاحات اعطاسنه ابتدار قنور شویله که فرانسه ده  
 بهر سنه یکر می یاشنه رسیده اولان اوچبوزاون بش بیک کشینک  
 نصفی مقداری مقدا بر تقریب خدمت عسکر یه دن معاف اولدرق  
 یالکز سکسان بیک عسکره انور ایکن شمدی وقت حضرده  
 یوز بیک کشتی تحریر اولنور فقط بونلرک بر مقداری الایله الحاق  
 و باقبسی لدی الحاجه جلب ایدلک اوزره محللرنده ابقا قنور ایدی .  
 بونلر بیک سکز یوز التمش تاریخنه قدر تعلیم ایندک لری حالده  
 تاریخ مذکور دن برو بر نصفی عساکر نظامیده الحاق اولنوب نصف

ديكرينك برنجی سنه اويچ ماه و ايكنجی سنه بر ماه تعليم ايله اوقات سائرده كار وكسبلريله مشغول اولملری اصول اتخاذا قلمش و بو صورت بالتجربه فائده لو كورنديكندن ابقاسی مقرر بولمشدز.

بناء عليه فرانسه دولتك ايلروده دائما سلاح اتنده درتيوز التمش يدي بيك عسكری اولدقدن بشقه يوز اوتوز اويچ بيك دخي احتياط عسكری بولنه جخي و سنوی يوز بيك نفر النور ايكن وقت حربده يوز الی بيك كشی اخذ ايله قوه مذكوره نك موجودی تزید اولنه ييله جخي و بونلره بر مقدار كوكللو و ملت عسكری دخي ضم اولنه جخي و كوكللو عسكرندن بشقه بونلرك كافه سنك مدت عسكری لری معين و محدود اولديغي جهتلره دولت مشار اليهانك وقت حربده قوه عسكریه سی يدي سكر يوز بيكه بالغ اوله ييله جخي آشكاردر.

انكلترده موجب تشويق اولق اوزره سلك عسكری یه كيرنلره اكر اماً اول امرده بش لیره استرلين و خدمته بولندقلری مدتيجه دخي مستوفي معاش اعطا اولنور. بيك سكر يوز التمش بر و التمش ايكي سندرندة نفس انكلترده استخدام اولنق اوزره يوز قرق التي بيك و هندستانده قوللانلق اوزره يتمش اويچ بيك كشی سلك عسكری یه دخول ايتمش و اشبو مقداردن ماعدا هندستانده يرلودن اولق اوزره يوز التمش بيك سپاهی عسكریله ملت عسكری وارددر. اشبو ملت عسكری قرعه ايله اخذ اولنوب بونلر المانیاده وقت حربده جلب اولسان لاندور یعنی مستحفظين مملكت عسكرينك بر نوعی اوله رق سندده بر كره تجمع ايله بر قايح هفتة تعليم ايدرلر و وقت حربده پارلمنتونك رأيی اولديغي حالده انكلتره ممالكنك خارجده سوق

واغزام اولنه بيلورلر . كوكللو عسكرى ايسه ملبوسا تاريخي كندولرى  
تدارك ايدوب استدلكرى وقت تعيلم ايتك اوزره تجمع ايدرلر  
و مقدارلرى يوز يكرمى بىك كشيدين عبارت اولوب كيتدبجه ترايد  
ايتديكندن بونلرك تسويه مصارفى ايچون پارلنتو طرفندن يوز  
اوتوز اوج بىك ايكيوز يتش التى ليره استرلين تخصيص قلمشدر .  
ملت و كوكللو عسكرى قوه احتياطيده دن معدود اولوب انكلتره  
ممالكته خارجدن تجاوز وقوعى تقديرجه بروجه تخمين مقدارلرى  
شمديكنك درت قاتنه بالغ اوله بيلور .

سائر ممالكده اهل ايدن سنأ بر درجه محدوديه واصل اولنلر كافه  
خدمت عسكريده بولمغه بورجلو اولوب اشبو بورجى ايفسا  
ايدمك اولنلر ايله بوندن معافيتى لازم كلنلر قرعه ايله تفريق  
وتعيين اولنديغى حالده روسيهده بونك عكسيدر . مملكت مذكوره ايالات  
شرقيه و غريبه اعتباريله ايكيه منقسم اولوب بونلردن بالمشا و به  
يتشربىك نفر اخذاولنديغندن وقت حضرده هر بر اياالتدن ايكي  
سنده بر كر اولمقدار عسكر النور ديمك اولور . بيكده قاج كشي  
النمى رأى ايمراطورى به محول اولوب فقط اكثر يا بيكده بش كشي  
النور و بونلردنخى اون سكردن اوتوز بش ياشنه قدر اولنلردن  
انتخاب اولنور . هنكام محاربهده سواقعهده رعايت اولنميه رق  
لرؤمته كوره حركت قلنور . اصلزادكان و ارباب تجارت خدمت  
عسكريده دن مستثنا اولدقلى مثللو قائمه اوله رق بىك روبله اعطاسيله  
دخى تحصيل معافيت مجاز ايسه ده نادر الوقوعدر . روسيه دولتنك  
مأهل و زراعتله مشغول اولدقلى حالده سرحدات محافظه سنه  
مأهور اولان عسكرى تقريبا يوز بىك نفر در .

اوستزاده عموم اهالی خدمت عسکریه ده بولمغه مجبور اولوب فقط دولت خدمتده مستخدم و دعوی و کلی و طبیب و پاپاس اولنلر ویتش یاشنه وارمش بز پدز و یاخود والدنک یا لکز اوغلی خدمت بولنلار مذکوره دن معافدرلر. تیرول ایالتنده اون سکرذن یکر می الی و دولت مشار الیهانک ایالتیا قطعه سنده کائن ایالتنده یکر میدن یکر می یش و ایالات سائر سنده اون سکرذن یکر می الی یاشنه قدر اولنلر عسکره النور. سرحدات عسکریه ده ایسه قوی البیه اولان کافه ذکور یکر می یاشندن اوتوز بر یاشنه قدر خدمت عسکریه ایفاسنه مجبوردر. اچنه ایله کولکلو اوله رق عسکر تحریری اصولی جاری اولدیغی مثلاً ۱۸۵۶ سنه سنده موضوع نظام اقتضاسیجه بدل اعطاسی دخی جائزدر. وقت حضرده خدمت عسکریه سکر سنه اولوب هنکام محاربه ده غیر محدوددر. اشبوسکر سنه نک انقضا سندن صکره نفرائک اسملری ایکی سنه دخی احتیاط دفترده مقید بولنور. بولنر محاربه مناسبتیه تکرار جلب اولنوب لازم کلدیکی حالده مدت مذکوره تمدید قنور. تیرول ایالتنده بر نوع ملت عسکر و بعض بیوک شهرلده لاندور عسکری واردر.

پروسیاده شمیدییه قدر جاری اولان لاندور عسکری اصولی جله نک معلومی اولدیغی جهتله تفصیلنه حاجت یوقدر. فقط پارلمنتو قراری اوزره ۱۸۶۱ سنه سنده اولبایده خیلی تعدیلات اجرا قلمشدر. اصول جدیدیه کوره لاندور عسکرینک برنجی فرقه سی عساکر منظمه یه الحاق و بو صورتله الایلرک عددی فرق ایکن سکسانه ابلاغ اولنوب مدت عسکریه لری دخی بر امر اعتباری اولق اوزره اوتوز یاشنه قدر تمدید قلمش ایسه ده عساکر مذکوره یا لکز اوج سنه سلاح

النده بولنورلر اشبو لاندور فرقه عسکریه سنک مرکب اولدیغی قرق الایک مقدماتی صورتله ضابطانی اولیوب سنوی اجرا قلنان تعلیملرده موقتاً ضابطان تعیین اولنور ایکن شمعی دائمی ضابطانی واردر وصف ضابطانی لا اقل ارن ایکی سنه خدمت عسکریه ده بولنمش اولان نیراتدن اولوب بو صورت اهلینک امور حرییده کسب ملکه و مهارت ایتلرینه زیاده مدار اولور ایسه ده شو فوائدک استحصالی مالاً کلی فداکارلق اختیارینه متوقفدر بوندن بویله لاندور عسکری طابورله منقسم اوله رق پیاده عسکریه الحاق اولنسه حق و محاربه حانده عساکر منتظمه ضابطانی قومانده سنده بولنه جقلدر.

ایتالیا شمعی بر حال انقلابده بولندیغدن عساکر موجوده سنه دائر معلومات صحیحه انده میوب فقط هر حالده اشبو دولت جدیده نک عساکر موجوده سی در تیوزیک نفر تخمین اولنه ییلور.

المانیای بر طاقم دولت و حکومتلردن عبارت اولوب بونلرک مقدار اراضی و اهالیسی بر وجه اتی کوسترلشدن

| اسامی حکومت     | یک سکر یوزالی | بهر میل      | میل مربع |
|-----------------|---------------|--------------|----------|
| المانیای        | سکر تارینخنده | مربع اوزرنده | حسابیله  |
|                 | مجموع         | بولنان مقدار | مقدار    |
|                 | اهالی         | اهالی        | اراضی    |
| باویره قرایتی   | ۴,۶۱۵,۷۴۸     | ۳,۳۳۳        | ۱,۳۸۵    |
| ساقسونیا قرایتی | ۲,۱۲۲,۱۴۸     | ۷,۸۱۲        | ۲۷۲      |

|     |                                  |           |                                |
|-----|----------------------------------|-----------|--------------------------------|
| ۱۰۳ | اوروپا دولترینک مقایسه عسکریه سی |           |                                |
| ۶۹۹ | ۲,۶۳۹                            | ۱,۸۴۳,۹۷۶ | هاتوره قرالیتی                 |
| ۳۳۴ | ۴,۷۷۳                            | ۱,۶۹۰,۸۹۸ | ورتمبرغ قرالیتی                |
| ۲۷۸ | ۴,۸۰۴                            | ۱,۳۳۵,۹۵۲ | بادن غران دوقه لغی             |
| ۱۷۴ | ۴,۱۸۴                            | ۷۲۶,۶۸۶   | هس الکتور لکی                  |
| ۱۵۳ | ۵,۵۲۶                            | ۸۴۵,۵۷۱   | هس غران دوقه لغی               |
| ۳۴۱ | ۲,۸۴۱                            | ۹۶۸,۸۶۳   | هولشتاین ولونبورغ دوقه لغی     |
| ۸۷  | ۴,۷۷۰                            | ۴۱۰,۲۷۹   | لوقسنبورغ غران دوقه لغی        |
| ۶۷  | ۴,۰۷۱                            | ۲۷۲,۰۶۹   | برونسویک دوقه لغی              |
| ۲۴۴ | ۲,۲۱۹                            | ۵۴۱,۳۹۵   | مکلمبورغ شوه رین غران دوقه لغی |
| ۴۹  | ۲,۰۱۳                            | ۹۹,۶۲۸    | مکلمبورغ استرلیچ غران دوقه لغی |
| ۸۵  | ۵,۱۸۹                            | ۴۴۳,۶۴۸   | ناسود دوقه لغی                 |
| ۶۶  | ۴,۰۴۷                            | ۲۶۷,۱۱۲   | ساقس وایمار غران دوقه لغی      |
| ۴۳  | ۲ ۹۲۶                            | ۱۶۸ ۸۱۶   | ساقس ماینبیغ دوقه لغی          |
| ۲۴  | ۵ ۶۲۹                            | ۱۳۵ ۵۷۴   | ساقس التنبورغ دوقه لغی         |
| ۳۶  | ۴ ۵۵۷                            | ۱۵۳ ۸۷۹   | ساقس قوبورغ دوقه لغی           |
| ۱۱۴ | ۲ ۵۸۱                            | ۲۹۴ ۳۶۹   | اولدنبورغ غران دوقه لغی        |
| ۴۰  | ۲ ۹۸۸                            | ۱۱۹ ۵۱۵   | انهالت دسوغوتن دوقه لغی        |
| ۱۵  | ۳۷۲۷                             | ۵۶ ۰۳۱    | انهالت برنبورغ دوقه لغی        |
| ۱۵  | ۴۰۷۹                             | ۶۲ ۹۷۴    | شوارتس سوندرهاوزین پرنسلکی     |
| ۱۷  | ۴۰۰۹                             | ۷۰ ۰۳۰    | شوارتس رودولشتات پرنسلکی       |
| ۳   | ۲۴۶۵                             | ۷۱۵۰      | لیختینشتاین پرنسلکی            |
| ۲۲  | ۲۶۵۱                             | ۵۷ ۵۵۰    | والدک پرنسلکی                  |
| ۷   | ۵۷۲۴                             | ۳۹ ۳۹۷    | روس غرایتس پرنسلکی             |

|       |       |          |                               |
|-------|-------|----------|-------------------------------|
| ۱۵    | ۵۴۵۴  | ۸۱۸۰۶    | روس شلاینس پرنسلکی            |
| ۸     | ۳۷۴۵  | ۳۰۱۴۴    | لیپ شاونبورغ پرنسلکی          |
| ۲۱    | ۵۱۴۹  | ۱۰۶۰۸۶   | لیپ دتمولد پرنسلکی            |
| ۵     | ۵۱۴۹  | ۲۵۷۴۶    | هس هومبورغ غرافلخی            |
| ۶     | ۹۴۳۵  | ۵۵۴۲۳    | لوبک شهری                     |
| ۲     | ۴۳۲۵۰ | ۷۹۲۷۸    | فرانقفورت شهری                |
| ۳     | ۲۵۳۸۷ | ۸۸۸۵۶    | برم شهری                      |
| ۶     | ۳۴۸۰۱ | ۲۲۲ ۳۷۹  | هامبورغ شهری                  |
| ۴۶۵۶  |       | ۱۸۰۴۰۹۷۶ | یکون                          |
| ۳۳۸۹  |       | ۱۳۱۷۳۲۳۵ | پروسیا دولتک المانیا داخلنده  |
|       |       |          | کائن ایالاتی                  |
| ۳۵۴۵  |       | ۱۲۹۰۹۹۱۹ | اوستریا دولتک المانیا داخلنده |
| ۱۱۵۹۰ |       | ۴۴۱۲۴۱۳۰ | بولتان ایالاتی                |
|       |       |          | یکون عمومی                    |

## (قور اطهری)

بحر محیط هندیده واقع قور اطهری سلطانتک برادر و برادرزاده سی  
اولوب مقدمجه حسب المصلحه لوندره یه عزیمت ایتش اولان محمد  
وعبداه بکلیر بو کونلرده سلطان مشارالیه طرفندن مأموراً در سعادتیه  
دخی کلش اولماریشه و جزائر مذکوره ممالک مستقله اسلامیه دن  
اواب تفصیل احوال و کیفیاتی بزجه بالوجه شایان اطلاع